



## **TOSHKENT DAVLAT YURIDIK UNIVERSITETI REKTORINING B U Y R U G ' I**

26.08.2024

150-um-son

### **O‘zbekiston Respublikasi Prezidentining 2024-yil 18-iyuldagi PQ–266-son qarorida belgilangan vazifalar ijrosini ta’minlash to‘g‘risida**

O‘zbekiston Respublikasi Prezidentining 2024-yil 18-iyuldagi “Nogironligi bo‘lgan shaxslarga qulay va to‘siqlarsiz muhit yaratish bo‘yicha qo‘shimcha chora-tadbirlar to‘g‘risida”gi PQ–266-son qarori va uning ijrosi bo‘yicha O‘zbekiston Respublikasi Bosh vaziri tomonidan tasdiqlangan nazorat rejada (30/1-2409-son, 2024-yil 24-iyul) hamda O‘zbekiston Respublikasi adliya vazirining 2024-yil 13-avgustdagi “O‘zbekiston Respublikasi Prezidentining 2024-yil 18-iyuldagi PQ–266-son “Nogironligi bo‘lgan shaxslarga qulay va to‘siqlarsiz muhit yaratish bo‘yicha qo‘shimcha chora-tadbirlar to‘g‘risida”gi qarori ijrosini ta’minlash haqida”gi 264-um-son buyrug‘ida belgilangan vazifalar ijrosini ta’minlash, imkoniyati cheklangan xodim va talabalarga munosib ish va o‘qish sharoitini yaratish maqsadida

### **B U Y U R A M A N**

1. O‘zbekiston Respublikasi Prezidentining 2024-yil 18-iyuldagi PQ–266-son qarori va uning ijrosi bo‘yicha O‘zbekiston Respublikasi Bosh vaziri tomonidan tasdiqlangan nazorat reja (30/1-2409-son, 2024-yil 24-iyul) hamda O‘zbekiston Respublikasi adliya vazirining 2024-yil 13-avgustdagi 264-um-son buyrug‘i ma’lumot va ijro uchun qabul qilinsin.

2. Qaror bilan quyidagilar belgilanganligi inobatga olinsin:

a) nogironligi bo‘lgan shaxslarning xavfsiz va to‘siqlarsiz harakatlanishi uchun qulay muhit yaratilishi va mazkur sohaga yangicha yondashuvlarni joriy etilishi, jumladan:

Ijtimoiy himoya milliy agentligi huzuridagi Ijtimoiy inspeksiya nogironligi bo‘lgan shaxslarga qulay muhit va to‘siqlarsiz harakat qilish imkoniyatlari yaratilganligini nazorat qiluvchi vakolatli organ deb belgilanganligi va unga tegishli holatlar ustidan davlat nazoratini amalga oshirish yuklatilganligi;

2024-yil 1-sentabrga qadar vazirlik va idoralar, ularning hududiy bo‘linmalari hamda tizim tashkilotlarida bir nafar rahbar o‘rinbosari nogironligi bo‘lgan shaxslar uchun qulay va to‘siqlarsiz muhit yaratilishi bo‘yicha mas’ul etib

belgilanishi hamda uning zimmasiga tegishli vazifalar yuklanishi;

vazirlik va idoralar, ularning tizim tashkilotlari hamda davlat ulushi 50 foizdan yuqori bo'lgan xo'jalik yurituvchi subyektlar fuqarolar qabuli va sayyor qabullarni o'tkazishda majburiy tarzda surdotarjimon ishtirokini ta'minlashlari;

vazirlik va idoralar, ularning tizim tashkilotlari hamda davlat ishtirokidagi korxonalarning fuqarolar murojaatlari bilan ishlash bo'yicha bir nafar xodimi surdotarjimonlik kurslarida o'qitilishi;

b) nogironligi bo'lgan shaxslarning transportda harakatlanishi uchun qulay sharoit yaratish maqsadida 2024-yil 1 oktabrdan boshlab:

shahar yo'lovchi transportida I guruh nogironligi bo'lgan shaxs va ularga hamrohlik qiluvchi bir nafar shaxsga bepul xizmat ko'rsatilishi;

I guruh nogironligi bo'lgan shaxslarning shaxsiy avtotransport vositalarini moslashtirish xarajatlarining 50 foizi (bazaviy hisoblash miqdorining 30 baravarigacha bo'lgan miqdori) Ijtimoiy himoya milliy agentligi huzuridagi Ijtimoiy himoya davlat jamg'armasi mablag'lari hisobidan qoplab berilishi.

3. Moliya-iqtisod masalalari bo'yicha prorektor A.Iminov Toshkent davlat yiridik universiteti va uning tarkibidagi ta'lim muassasalarda nogironligi bo'lgan shaxslar uchun qulay va to'siqlarsiz muhit yaratilishi bo'yicha mas'ul etib belgilansin.

Bu borada uning zimmasiga quyidagi vazifalar yuklansin:

nogironligi bo'lgan xodim va talabalar qulay va to'siqlarsiz harakatlanishlari hamda mehnat qilishlari va ta'lim olishlari uchun qonunchilik hujjatlarida belgilangan sharoitlarni yaratish;

binolarga kirish va chiqishda nogironligi bo'lgan shaxslar qulay va to'siqlarsiz harakatlanishi uchun sharoitlar yaratilishini tashkil etish va nazoratga olish;

nogironligi bo'lgan fuqarolarni qabul qilishda ularga qulayliklar yaratish uchun zarur mutaxassis va jihozlar bilan ta'minlash;

universitet binolarida qurilish, rekonstruksiya qilish va ta'mirlash ishlari amalga oshirilganda nogironligi bo'lgan shaxslarga sharoitlar yaratish bo'yicha shaharsozlik norma va qoidalariga rioya qilinishi ta'minlash.

4. Tashkiliy-nazorat va strategik rejalashtirish boshqarmasi (D.Maxkamov) fuqarolar qabuli va sayyor qabullarni o'tkazishda surdotarjimon ishtirokini ta'minlash hamda fuqarolar murojaatlari bilan ishlash bo'yicha bir nafar xodimni surdotarjimonlik kurslarida o'qitish ishlarini tashkil etsin.

5. Ma'naviyat va ma'rifat markazi (Sh.Po'lotov):

fakultet dekanlari va Kadrlar bo'limi (S.Mamanazarov) bilan birgalikda qaror mazmun-mohiyatini xodim va talabalar e'tiboriga yetkazsin;

nogironligi bor bo'lgan talabalar hamda nogironligi bor bo'lgan oila farzandi bo'lgan talabalarni ijtimoiy qo'llab-quvvatlash, ularga zarur moddiy yordamlarni ko'rsatib borish choralarini ko'rsin;

talabalarga beriladigan turli imtiyoz va rag'batlar, tanlovlarda ishtirokchilarning natijasi teng bo'lgan taqdirda nogironligi bor bo'lgan talabalarga

ustuvorlik berilishiga e'tibor qaratsin;

nogironligi bor bo'lgan talabalarga o'qishi, munosib sharoitda yashashi uchun ko'maklashish choralarini ko'rsin;

universitetda o'tkaziladigan tadbir, tanlov va loyihalarda ko'ngilochar-tomosha va umumxalq bayramlarida nogironligi bor bo'lgan talabalarning ishtirokini ta'minlash choralarini ko'rsin.

6. Mazkur buyruq ijrosi nazoratini o'z zimmamda qoldiraman.

**Ilmiy ishlar va innovatsiyalar  
bo'yicha prorektor**



**B.XODJAYEV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Katta yuriskonsult

A.TURSUNOV



Boshqarma boshlig‘i

D.MAXKAMOV



Moliya-iqtisod ishlar bo‘yicha  
prorektor

A.IMINOV



Bo‘lim boshlig‘i

S.MAMANAZAROV

